

Headline	Album Hari Ini		
MediaTitle	Utusan Malaysia		
Date	17 Oct 2011	Color	Full Color
Section	Dlm Negeri	Circulation	197,952
Page No	2	Readership	833,287
Language	Malay	ArticleSize	1264 cm²
Journalist	N/A	AdValue	RM 24,982
Frequency	Daily	PR Value	RM 74,946



Album Hari Ini

AGONG LAWAT INDONESIA

YANG di-Pertuan Agong, Tuanku Mizan Zainal Abidin bersalaman dengan Presiden Indonesia, Susilo Bambang Yudhoyono ketika mengadakan kunjungan ke Istana Merdeka di Jakarta, semalam untuk lawatan rasmi selama dua hari.
Turut berangkat Raja Permaisuri Agong, Tuanku Nur Zahirah dan isteri Susilo, Ibu Negara Ibu Ani Yudhoyono (kanan). - BERNAMA



TANAM POKOK BAKAU

KETUA Setiausaha Kementerian Pengajian Tinggi, Datuk Ab. Rahim Md. Noor (depan, kiri) bersama 900 pelajar institusi pengajian tinggi awam (IPTA) dan orang ramai menyertai program penanaman pokok bakau di muara Sungai Haji Dorani, Sungai Besar, Selangor, semalam. Program anjuran Majlis Sekretariat Sukarelawan Universiti-universiti Malaysia (MASKUM) itu menghimpunkan pelajar antaranya dari UTM, UPNM dan UKM dengan kerjasama Institut Penyelidikan Perhutanan Malaysia (FRIM) bagi memberi kesedaran kepada generasi muda mengenai kepentingan menjaga warisan alam termasuk hutan paya bakau. - UTUSAN/RAZAK IDRIS



KUCING IMALAYSIA

HALINAH Abdullah memegang kucingnya bernama Black Nose yang memakai gaun bercirikan Jalur Gemilang berkonsep IMalaysia pada hari penutup program The 4 Cat City International Cat Show di Kuching, Sarawak, kelmarin. Sebanyak 102 ekor kucing dipertandingkan menerusi beberapa kategori dalam pertandingan itu. - BERNAMA

CEPAT DAPAT MYKAD

LIMA pemohon MyKad berusia 12 tahun yang memperoleh MyKad mereka dalam tempoh sehari diserahkan oleh Menteri Dalam Negeri, Datuk Seri Hishammuddin Tun Hussein pada Majlis Pelancaran Pengeluaran MyKad 1 Hari di Jabatan Pendaftaran Negara, Kluang, Johor, kelmarin. - UTUSAN/SHAK RAHMAD



HISHAMMUDDIN BERSAMA PELAJAR

MENTERI Dalam Negeri, Datuk Seri Hishammuddin Tun Hussein dan isteri, Datin Seri Marsilia Tengku Abdullah (depan, tengah) bersama para pelajar sekolah menengah menunjukkan isyarat IMalaysia pada Program Kecemerlangan SPM dan STPM di Paloh, Johor, kelmarin. - UTUSAN/AZANARIAH AHMAD